

LOU GALETOU

Direci, redaci, administraci : 21, riu d'Aisso, Limoges :: Téléphone 58.46

Troisiemo annado ■ Limerô 9
lou limerô : Die sôs (novei per mei)
Abounamen : un écu de 5 francs

OTOBRE 1937

"Per dehaignâ lous Lemouzis"



Photo Jové

Qu'ei dins no vieillo galetieiro qu'un faï lous meilleurs galetois !

Veiqui lo pâto dau galetou d'Otobre :

LO COUMICI DE LO PERQUISICI.....	LINGAMIAU.
A LO PORTO DAU PARADIS	Jean REBIER.
LOU CHOPEU DE LO NARDI.....	LUZERNO DE PLAI.
A COP DE FUSIL.....	JEAN DE LIRAN
LOU DESIR (chansou).....	Jose MAZABRAU.

LO SICADO A L'ENVERS.....	TISTOU.
L'AUCHO NEGRO	LOU VIEI MARSOU.
L'ECHINLO	NA DE LIRO.
PER S'EISINA	LUZERNO DE PLAI.
LO MYOUN A L'ERPOSICI.....	ORELHO DE LEBRE.

CO FAI TOUJOURS PLASEI !

A NOTREIS ABOUNAS

Quant v'autreis verrez sur vôtre journâu un cachet bleu que dit : VOTRE ABONNEMENT FINIT AVEC CE NUMÉRO, ne perdez pas de tem, mettez 10 timbreis de 10 sôs dins n'envelopo e votro addesso e ranvouyâ lou tout au Directeur dau "GALETOU", 21, rue d'Aixe, Limoges, o be refusâ lou journau.

LO COUMICI DE LO PERQUISICI

Noù li soun en ple dì lo crasso,
Dì lou peïtren e dì lo nasso
Noù tournen dì l'enquisissi !
En queu ten de revoulussi
Se fô sorâ dì so couquillo.
Lo liberta de lo fomillo
Ei soutudo e toù lou dreï
Siran tua ô noun de lo leï !
Per io prouvâ veiqui n'istôrio
Que fô gardâ dì so memârio :
Qu'eï un brave coumençomen
De lour Republic' a Mandren.

Un jour, n'assei jento boucheiro,
(Soun ôme vio n'a a lo feiro
A Neïcou ob' a Sent-Irici,
Coom' fan toû dì queu meitiei)
Ogue dô bru dì so meijou.
Lo counte de quelo feïcou
Lou sei meimo, a so vesino
Que lo pele dì so cousinno,
Coomo li ribe quel ofâ,
E qu'eï ce que vò tourna fâ.
En io countan l'èrio denguero
Touto luchado de coulèro,
Lo coumence de dir' entau :
Gn'io dô mounde plo soligau !
Jomai un ne devinorio
Ce qu'i fan a lo mèrorio.
Eimandi, porav' un moutou,
Quan se reite dovan meijou
No troupo de Moussûr bien meï.
Lou pu grand entre lou prumieï :
Qu'eïrio Chiboua — Gn'i vio Vouazen,
Gn'i vio Torado, l'autr'adjouen,
Gn'i vio lou medeci Reymoun
E n'autre qu'o un ôre noun ;
Caucore coumo Petosfor...
Petobri obe Petamor...
Nou ! L'i sai, qu'eïrio Petovi,
Que vio l'èr lou mai rejövi..
Io defonillavo lou rougnou
Quan lou viguei rentrâ châ nou.
Vouazen, qu'èrio billâ en graulo,

Prengue crânomen lo poraulo :
« Bonjour, Madame », disse-t-eu,
L'i reipoundei : « Bonjour, Mossieu.
« — Faisant partie du Comité
» Qui veille à la salubrité,
» Nous avons des maisons voisines
» Visité toutes les latrines.
» Par ordre des Autorités,
» Montrez-nous vos commodités.
» Désormais, dans des lieux propices
» Jetez toutes vos immondices :
» Il ne faut plus dans les ruisseaux
» Vider vos vases et vos seaux. »
Can-t-ôviguei quelo vou raucho
Coomo lo musiquo d'un' aucho,
Me debitâ quel' antieinâ,
Lo moutardo me mount' ô nâ.
« Mossieu, dissei-io sei deitour,
Eici, un chijo dì lo cour.
Nâ li veire si vautrei volei ;
Nâ li si quei votre plosei ;
E vou vò boliâ de lo clérdo
Per poudeï mier bojâ lo merdo.
Vous veirei n'eitroun bien luja,
Si lou che ne l'o pâ minja,
A tu vu, toû qui lechodieï !
Do cobine ! E do popiei !
E beleu do popiei de sedo,
Perce qu'i n'an pâ lo peu redo !
Gn'io co do mounde prou chorougnou
Per fâ quelo salo besugno ?
Si l'ôme èrio qui, v'oriâ tor
D'entau parlâ coumo dô por.
Vâ beu me fâ petâ lou ei,
Per dô Moussûr que vautrei sei,
Cresei vou veni châ lou mounde
Ensurtâ sei qu'un vou reipounde ?
Mâ soulo io sirai prou forte
Per vou foutre toû a lo porto ! »
Sur lou co, te trope n'andouillo...
Lou navo douba coumo foullo
Quan quelo troupo de maclian
Sei re dir' o foutu lou can !
Lou ai segu de per dorei

En credan, jusqu'ô pei do rei.
Ah ! si tu viâ vu co, mo chère,
M'civî que iô li sai denguero.

Credavo : « Quei dô merdounieï
Que se soun billa en bourgeï !
I enpeichen là prouceci,
Ma i fan de là coumici
Per fâ chijâ lou paubre mounde !
Que lo mâlo tegno lou tounde !
Vole pèr lou gran Sen-t-Oreillo
Ne jomai pu vendre d'oveillo
Si oboisse à lour lei !
Sei jomai re vu de poriei.
Si co countugno de lo sorto,
Dì caque ten, dovan so porto,
Un ne poudro belomen pù
Petâ ! foudro horâ soun cù !
Lou Boucheï soun de brave gen
Qu'an counserva dô boun viei ten
Lour religi e lour moniéra...
Per co io sei de là prumièra !
Vole segre là prouceci !
E vole pissâ dì lou ri !
E vole dorei mâ fagotâ,
Si co me plâ poundre mâ crôtâ !!!
Lou diable chô dô pouss' eitroun,
Fô êtr' enroja tou de boun !
E mo figo, s'eimoliriâ
D'ôvî quelâ soloporiâ ! »
Orio vougu lour bien fâ ounto,
Ma polun de i se deimounio,
E coumo lou vio prou segu
Sei vei fâ assemblâ degu,
Plantei qui toû qui chijo michâ
En lour credan per adichâ :
« Ussû, ussû, municipau !
Prenei gard' a tropâ dô mau !
Si vòu merriâ n'orio degreu
E metrio sur votre tounbeu :
Ci-git, quei no bien grando perdo,
No coumici de chavo-merdo ! »

LINGAMIAU.

La GNORLA DE LINGAMIAU, se venden cha DUCOURTIEUX, dins lo Ruo Othon-Péconnet, à Limogei.

Chaz

s. CAMUS, 4, Boulevard Louis-Blanc (Tél. 59-89)

nio tout ce que fait per lous amatours de T. S. F.
En soun G. M. R. un auvo tout, un coumpren tout, lou
francei mai lou patouei.

Lo Mili avio balia rendez-vous diomen à 3 hours dins lous
bos, au Grand Jeantou de lo Lando. Lou Grand Jeantou ribet
trop tard, lo Mili erio partido. Co li orio pâ arriba, si ô vio gu
moutro de chaz

Martial LAROUDIE, 13, Rue Barnet - LIMOGES
un daus meilleurs relougers de lo villo.

Lous astronômes daus journaus se troumpen suven, mas lous barometres se troumpen pas, surtout quant is venen d'uno meijou de confiance coum'

GAUTHIER-LAVIGNE,
13, rue Saint-Martial, Limoges. Téléphone 51 63

Courrez-lí n'en chatâ un ayant de comença las fauchasous :
o vous faro plo gagnâ ce qu'o coûto.

Lou boun libréi !
5, place Fournier, LIMOGES
Téléph. 27.52

LIBRAIRIE PALISSON

E. DESVILLES, Succ.
Lou boun papiei !

A lo porto dau Paradis

Coumo lou bourg de Sen-Matali se trobo sur n'autour, deipei dins lou varger dau presbitâri, lou viei curé po veire lo meita de so parofio. Quant ô ei de leseï, l'eï, dins lo sasou empressado que lous paysans n'an pas lou tem de se maridâ, ni memo de mourâ, en d'uno grande luneto ô s'amuso a segre de l'eï sous paroufiens, per viâs et per chamis.

L'autre jour ô visavo lous metadiers de lo Plagno que menovan no charetado de gerbas dins lo mechanto vio dau Pey-Roudâu ente segur jamais lou boun Di n'o possa, et ô fasio no pito prejeiro per que re ne viret maû. Eita be ô ne viguet pas lo Catissou que davalâvo au rî en soun bachou et soun fai de linge.

— Bien lou bounjour, moussur lou Curé, faguet-lo, que visas-vous de si brave ?

— Io vise lous paubreis metadiers de lo Plagno que menen de las gerbas et que sount prêteis a tua lou loup dins lo vio de Pey-Roudâu !

— Mas, moussur lou Curé, coumo diable poudez-vous lou veire, a treis quartâs de lego ? Co n'eï pas poussible !

— Siei plo, Catissou, pode lou veire, et mettre lour noum sur lour figuro. Et poudrio, si iô voullo, veire beucop pus loin.

— Vous pourrias beleu veire jusquanto dins lou paradis ? faguet lo Catissou, d'un air moucandier.

— Plo, mo fillo. Pode veire dins lou paradis, dins lou purgatôri, mais dins l'enfer.

— Qu'eï bien vrai, moussur lou Curé ?

— Mo paubre Catissou, tu m'offensâs ! Tu sabei-be qu'un peitre ne po pas dire de meisounjo.

— Eh be, si qu'eï entâu, vole vous damandâ un service.

— Dous, si tu voueis, mo fillo !

— Sirio curiso de sabei si moun paubre Martissou que mouriguet antan ei dins lou paradis.

— O deû li eisseï, per mour que lous homeis maridas en l'habitudo de fâ lour purgatôri sur lo terro. Attens no minuto iô vaû te renseignâ.

Lo Catissou poset soun bachou et se siclet sur soun fai de linge. Deipei antan l'eï vevo de Martissou lou sucher, qu'ero tout ranqueni, touf eimenica et que boueticâvo. Co n'ero gro l'home que foulio a quelo fiero drollo, qu'o lo creito verdo, et qu'eï membrâdo et leno coumo lo poulinho d'un mounier !

Lou curé, qu'avio vira so luneto en l'air coumo per jugâ de lo troumpeto, disset au bout d'un moment :

— Ne vese re dins lou paradis, re dins lou purgatôri et re dins l'enfer !

— O n'eï beleu pas riba, faguet lo Catissou. Lou paradis n'eï pas darrei meijou, et Martissou, en bouetican, ne po pas nâ vite. Si vous visavâ sur lo routo ?

Lou curé, coumplasen, tournet trapâ so luneto. Mas tout d'un cop ô levet las douas mas en l'air, et se mettet de credâ :

— Qu'as-tu fa, Catissou, qu'as-tu fa ?

— Et mas, moun Di, qu'eï aco, moussur lou Curé ?

— Iô te vaû dire ce que qu'eï, pito malhurouso. Lou vese, toun Martissou. O li ei devant lo porto dau paradis, et ô fai be tout ce qu'o po per li rentra, mas ô li arribaro jamais lou paubre garçou. Sas bannas sount tant lounjâs coumo daus mars de chaten !

Recueilli par Jean REBIER.

Lou chopeu de lo Nardi

En sertan de lo garo dô Benedictâ, un boun curé de campâgno fugue tout sunci do tableu que li motre lo Nardi.

Co plevio a boudin, et coumo lo n'vio pas d'autrei mouyen per epargna soun brave chopeu de paillo, tout niô per moun armo, lo Nardi troussest sous coutillous dessur so teito, et coumo de segur, laisse veire o curé no bravo luno.

— He mâ, paubre fenno, dissei lu curé, vau mier bimâ votre chopeu que de parti di quelo tengudo.

— Neigro disse lo Nardi quei lo prumiero ve que lou preine, ne vole pas lu mouilla, tandis que lou resto, gniô quarantans qu'o me sert, ô ei bitua au mechant tem !

LUZERNO DEI PLAI.

A cop de fusil

L'autre jour, lou medeci de Sen-Matali, qu'eï grand chassadour, davalavo plo dabouro dins lo ruo-Frejo, soun fusi sur l'epanko et soun che Miraut darrei sous talous.

Lou noutari, que visavo devant so porto d'ente venio lou vent, li disset :

— Ente vas-tu si vite, Toubi ?

— Iô vaû veire lou paf Piarou de chaz Fringant qu'eï bien maû foutu.

— Lou paubre home, faguet lou noutari, ne baillorio pas douz liards de so vito !

— Et perque dounce ?

— Perque vese que t'as pref lou flingot. Entâu tu sei segur de ne pas lou manquâ !

JAN DE LIRAN.

Las liquours las pus finas, lous aperitifs lous pus sabourous, lou rhum JAMA, qu'un pelo lou « chasso-grippo », lo FEUILLANTINE, lou ROYALET (aperitif fraises et framboise), lou ROYALS (cacao et vanille) se trouben chaz

LAFARGE-REBOUL, 14, Avenue Emile-Labussière

Si v'autreis se embêtia per fâ votrei affâ, per pleidia,
per vendre ô be châta, fazez no visito au

CONTENTIEUX CHASSAGNE et PALLIER

21, boulevard Gambetta, à Limoges — Téléph. 47.60

V'autreis li troubarei de boun mounde que vous renseignaran et vous mettran dins lou dret chami dau plan cop.

CHASSADOURS ! Tonissou ne mancâvo jamais lo lebre, soun cop pourtavo toujours. — Perque ? — Perque ô se servio de las cartouchias **GERVAIS** que ne frouillen jamais.

Fazez coumo se. Et nâ veire que l'armurier, ô vous serviro toujours bien. Qu'e **M. GERVAIS**, 16, rue du Consulat, Limoges. Tél. 21-59.

== LOU DESIR ==

Air : *Vieil Homère, grand Voltaire.*

I

Lo vito de quelo tèro
Ne ran pâ toujour counten !
Dî lou for de lo misèro
Un desiro lou boun ten.
Un desiro que co plève,
O que lou soulei se lève,
 O que venie l'eifi...
 Qui desir fan potî...
 Lou meu, sei voû mentî,
 Soun beuco pû simplei, pû pitî...
 No boutelio
 Soû lo trelio
 Qu'un omi m'o servi,
 Fai mo gaïta san porelio
Lou vi, (ter) } bis
Ran l'ôme rejôvi

II

Gnio que voudrian qu'uno bèlo
Que lou o jomai eima,
Loû chorisse e cho fidèlo
O d'un fe si mau luma.
D'autrei mountâ dî lo luno
Ocoporâ lo fourtuno ;
Qu'e de lâ boreillâ !
 Fourçâ de lâ filiâ,
 San or voulei brillâ ;
 N'aime pû entau o botoliâ...
 No boutelio
 Soû lo trelio
 Qu'un omi m'o servi,
 So mier flotâ moun ôrelion.
Lou vi, etc...

III

Desirâ qu'eï no mognieiro
Qu'eici l'ôme o toujour gu :
 « Ah ! Si nou vian no secheiro ! »
— Dî moun chan si vio plegu
 « Si poudio nâ dî l'Ofrico. »
— Obe tou di l'Omerico.
 « Lou Perou so charmâ ;
 » L'or li ei o plenâ mâ. »
— L'Osie o l'air d'eimâ.
De tout co me ne desire mâ
 No boutelio
 Soû lo trelio
 Qu'un omi m'o servi,
 Lo fai mo santa vermelio.
Lou vi, etc...

IV

Châcun desiro o lo roundo
Suivan šo paubro embicî ;
L'oman desiro so bloundo,
Lou gueu no meichanto oci.
Lou barjei souven desiro
O vei quelo que soupiro
Per se dî lou bouei d'omour ;
Onimâ queu séjour,
Li parlâ tou lôjour
D'omitâ... Me yai per fâ mo cour
 No boutelio
 Soû lo trelio,
 Qu'un omi mo servi,
 Qui l'omitâ se revèlio.
Lou vi, etc...

Tan que sirai dî queu mounde
Desirorai dô nectar ;
Qu'eici chacun me segounde,
O Bacchû dressan n'ôtar.
Noû metran soû so persouno
No borico pleno, bouno,
Ploçâdo entre sâ chambâ !
Si nou volen boubâ,
Noû lou vendran troubâ,
O sourî quan ô veu oribâ...
 No boutelio
 Soû lo trelio
 Qu'un omi o servi,
 Qu'eï per se uno mervelio.
Lou vi (ter) } bis
L'o toujour rejôvi.

JOSE MOZOBRAU,
de Soulegna.

Quelo chansou ei tirado de LA LIMOUSINA, libre emprima cha M. DUCOURTIEU.

Un piti mogasin, que vau lo peino d'essei counegu, ve de se mounta au limero 20, dau faubourg de l'Oreno. Ce se pelo :

“ TOUT POUR L'ÉLECTRICITÉ ”

Un li trobo, au meilleur prix, lampas, ampoulas, lustres. Un li trobo aussi daus postes de T. S. F. que chanten coumo daus roussignôns, daus toupis per mettre las flours, daus saladous, mas quelas quittas ecuellas ventrudsonas entre lo soupo ei si sabourouso.

Rentrâ-li : tout ei brave, boun et boun marchâ. Vous n'en sertirez pas sans fâ quauco pito empleto.

— Dijô, Tiennissou, tu seis be trop fier depei caueque tem. Per moun armo, t'as rajeuni ! Qu'as-tu dounc fa ?
 — Viso mas dens !.
 — Be sount las bravas, t'erâ tout berche pertant ?
 — Plo, mâ iai na veire Moussur

Robert BEYRAND, 38, Place des Bancs, Limoges

Ei co douba co, drôle !

L'auch negro

Coqui se possavo gn'io beleu vint'an en caucoule lai dô coûta de Sen-Moti. Un mandi, Lâ Gôgnâ troube dî l'eirau n'auchu toutu negru. D'ente venio lo ? Degu iô sobio. Lo Ritou, so feno, li disse : « Paub'r'ome, nou van vei dô molur. Qu'ei lo beitio de l'enfer. Tu sei segur que qu'ei lou diable que l'o metudo qui ». Lâ Gôgnâ se mete de rire ; ô iô crejo pâ. Loû vesî li disseren : « Vôtrot fenn'o rozou. A vôtrot plâço ne gardorio pa quel animau que n'ei mâ boun a enbouzina tou lou poï. Fô lou tuâ e l'enterâ ». Mâ Lâ Gôgnâ ne voullo re sobei. O voullo vendre soun aucho ; mâ degu lo lî voullo chotâ.

Un coumençavo de prenei l'obitudo de lo veire coumo l'autrâ, quan-t'un jour lo partigue coumo l'erie vengudo. Dî lou village co fugue un gran coutentomen.

Mâ lo ne d'oprei, que lo luno eirio dî soun ple, lo Ritou, que navo se couejâ, vigue dî l'er un grand ôzeu que possavo en brundissan. Lo crede a soun ôme : « Vaque veire lo chasso voulanto. Qu'ei l'auchu negru que s'en vai ô soba e vese Lucifer qu'ei a chovau dessur ».

Lâ Gôgnâ, qu'erie couejâ, se leve, e queto ve ne vio pu envio de rire.. I fogueren toû dou lou sinne de lo crou e dovoleren dî lo câvo ent'i posseren lo ne.

Lou lendemo, Lâ Gôgnâ fogue no bouno lego per nâ troubâ l'institutour. Queuqui li esplique que ce qu'ô vio vu lo ne qu'erie n'avioun, lo pu brav'envençî dô ten, e que l'auchu que lou vio tan einuya n'erie mâ no paubro beitio que dô pintrei que troboyovan dî lou chateau vian negrezâ lâ plumâ en de lo coulour. Se, l'institutour, vio vu l'auchu que se sôvavo e vio fa oundo ô drôlei que vian fa queu sale co.

Lâ Gôgnâ partigue, pâ rassura dô tou, e deipei queu jour, quant'ô vejo possa n'avioun, ô credavo a so feno : « Ritou, vaque veire l'auchu negru ! ». LOU VIEI MARSAU.



Quand lou vi el boun beuriâ quand n'auriâ pas se.
 Si vautreis voulez de boun vi, baillâ votro prafico à...

René JACQUET

Soun vi, qu'el de las chansouns en boutellâs!

60, avenue Adrien-Tarrade
 LIMOGES Tél. 42.93

5

L'ECHINLO

Lou jour de lo feiro de Limogei lou paï Jacquillou qu'ei metadier dau biais de Sereilhac fuguet couvida a marendaz soun bourjei.

O n'en prenguet un brave ple gilet et soun ventre ne fasio segur pas de plis. O ero talomen tundi qu'en se levan de tablo ô disset « Saû votre honour, notre moussur, aurio belomen metier de me demolinâ. Ente fau co me mettre ? ».

— « N'an tout ce que faut dins lo meijou, disset lou bourgeois » et ô lou menet dins un brave cabinet bien prope, bien cira. « Siclio-te qui, li disset-eu en li fasant veire un brave plat de porcelaino blancho. Te gênâ pas. Quant t'auras chaba, tu vendras me troubâ dins lo cousin ».

Lou bourgeois attendet soun home un piti momen, un grand momen, demi-ouro... degu ne venio. O net veire ce que se passavo.

— Ah ! ça, fi de garço, vouësis-tu lî couejâ, tu ne seis pas malaude queraque ?

— Li o be de tout, disset lou paï Jacquillou.

— Si tu te trouboviás pas bien, foulio sounâ !

— Ah ! fe de dî, notre moussur, ne m'en parlez pas. Toutas las ves qu'âi tira lou courdou de lo souneto, m'o riba no seillâdo d'aigo dins lou cû !

NA DE LIRO.

Per s'eizina

Jean dau Mas se permeneavo di las ruas de Limogei, coumo Francillou, quan queuqui fuguet prei d'un besoin.

Re de pu also, disse Jean, rentro qui, qu'ei fa per s'eizina, quand un o metier.

Mâ coumo co n'ei pas lo meita d'un mouquandier, tant que l'autre s'eizinavo, o se preimo vers lo caissiero :

— Garda die sos per vous, et bolia n'en die a l'ome que vai serti, disset-eu en li balian 20 sos.

Entau fuguet fa. E ô disset a Francillou tout surprise :

— L'engrais ei tallomen char eissi, qu'un payo de quelo sorto, quis que voulent bien se reita en possan.

Din lo cerenado, notre peisan reintre di n'autre « chalet de nécessita » et quand un li reclame sous quatre sos, o disset :

— Vous couyouna, ei mandi un mo bolia die sos et pertan n'en vio pas fa lo meita de ce que vous laissé.

LUZERNO DE PLAI.

Las châtagnas sount plo farinoussas ujan.
Per la minjâ, fâ d'au boun citre.

N'à veire M. HARDY, à Breraudio, de FLAVIGNAC.
Nio pâ de meilhour per fâ rendre las poumas et vous fâ
de pur jus.

O vend aussi de l'oli mai ô te buvetto.

Nio pus mouyen de serti sei paraplu. N'en fô toujours un et
salide per mour que lou ven lou devirorios. Nas chaz

F. GARNIER, successeur de PEJOUT

8, rue Haute-Vienne,

à Limoges, v'autreis sirez bien servi.
O ven aussi de las cannas mai de l'ombrelas per l'eiti.

LO SICADO A L'ENVERS

Rougnoulet de lô Jaillet, sitôt qu'o aguet chaba de medre,
anet troubâ soun vesi Jose et li damandet de lou mena a lo
garo d'Oradour per prenei lou trin.

— Ente voueis-tu nâ ? disset Jose.
— Vole nâ veire l'erposici de Paris, co parait que qu'ei
tant brave !

— As-tu prei toun billet ?

— Noun gro.

— Eh be, payo chopino et te dirai coumo fo fâ per ne
re bailla a lo garo, mât tu n'en parlaras a degu.

Lous veiqui partis chaz lo mai Nonetto, l'auberjisto.

Rougnoulet fuguet pourta no bouteillo, un pau de po et
dau froumage et disset a Jose :

— Oro, parlo.

— Ecoute me bien, Rougnoulet : quand tu siras devant
lou guichou de lo garo, tu diras : « Donnez-moi un billet de
3^e classe pour Paris », et tu passaras treis veis to mo drecho
sous toun naz en essublant chaco ve, coumo co. Et Jose l'y
fuguet veire.

— Et après ?

— Après, l'empluya te bailloro toun billet et tu pourras
mountâ dins lou trin.

— Et co bien vrai ?

— Que lou diable me rache lou cô si te mente ! D'ail-
lours sirai coumo te.

Lou lendemo, Jose menet Rougnoulet a lo garo, mât, sitôt
riba, ô laisset lou voyayour et courguet dins lou bureau dau
chef de garo, li erpliquet l'affâ, payet lou prix dau billet et
tournet trouba Rougnoulet qu'attendio dins lo sallo d'attento.

— Tu n'as pas obluda ce que t'ai dit, ô mins, li disset-eu.

— Noun pas séjur, tu vas veire.

A queu momen, lou guichou se draibo, lou chef de garo
ei darei.

— Donnez-moi un billet de 3^e classe pour Paris, disset
Rougnoulet, et o essublet treis ves en possant so mo drecho
sous soun naz.

— Bien, monsieur, voilà, et l'empluya li baillet soun bil-
let sei re pu damanda.

Notre home plo counten disset a Jose : « Tu seis un
boun drôle, Jose, quant sirai tourna, nous faran un boun ma-
rendou ensemble ».

Rougnoulet demourait quatre jours a Paris et coumo ô
pensavo fâ lou voyage de retour per re, ô minget tout soun
argen : a peinâ si ô vio de que beure bouteillo en chomi.

Quant ô se présentet ô guichou de lo garo d'Austerlitz :
« Donnez-moi un billet de 3^e classe pour Oradour, faguet-eu,
a lo damo que baillavo lous billets et ô posset so mo drecho
sous soun naz, treis veš, en essublant.

Lo damo lou viset et disset :

— Voilà, c'est 92 francs.

— Oui, oui, mais vous savez bien ? Et ô tournet fâ lo
sicado.

— Je sais qu'il faut me donner 92 francs si vous voulez
avoir votre billet.

— Pourtant, à Oradour... et ô essublavo toujours.

— Conduisez cet individu au poste, credet lo damo ô ser-
gent de villo qu'ero de plantoun, c'est un fou. Je n'ai pas de
temps à perdre.

Co fuguet tôt fâ, per moun armo. En d'un viro mo moun
Rougnoulet fuguet massa et barra ô violoun. O l'y passet lo
net.

Lou lendemo, is lou fouteren deforo a cops de ped au
dorei et o fuguet obliga d'empruntâ l'argen de soun voyage
a no connaissance de Limogei qu'o troubet a lo garo.

Soun retour à lo Jaillo fuguet tôt sôbu.

Tous lous vesis, Jose lou prumier, vengueren li domandâ
de las nouvelos dau voyage.

V'autreis pôdez pensâ si lou gaillard ero de boun humour.

— Tiro-te d'aqui, disset-eu a Jose, tu ne seis mât un
moucandier, no charoungno, tu m'as mounta lou cop.

— Coumo, t'ai mounta lou cop ?

— Plo, mai bien.

— Mât, paubre de Di, qu'ei aco que t'o arriba ?

Rougnoulet countet sas miseras.

Is fasian tous semblant de lou plagnei, mât is risian plo
dins lour ventre.

Tout d'un cop, Jose disset :

— Cau mo as-tu passa sous toun naz, a Paris ?

— Lo drecho, pardî, coumo tu m'avias dit.

— Co n'ei pas etouan si lo damo ne comprenguet pas.

Tu prenias un billet de retour, qu'ei lo mo manso que foulio
fâ passâ !

TISTOU.

BEVEZ LOUS NUVEUS
SODAS LAPLAGNE

Pur sucre - Digestifs - Rafraîchissants

Que lou boun tem ! Qu'ei lo sasou de las baladas. Faut se
Faut se mettre fier....

Per essei fier et fâ caprice a las piroundelas faut nâ troubâ :

Paul DUMONT, Tailleur

13, boulevard Victor-Hugo

LIMOGES

No drollo que s'en vaf en balado, bien maiado ei meta
maridado. Drollas courez vite chaz

QUEYROI, 7, boulevard Louis-Blanc, 7
LIMOGES

per maiâ votre parpat.

' Lou magasin ei toujours en brando de flour coumo un
vargef au mei de Mai !

Gn'io pâ de pû jentâ fennâ que là Limousinâ.
Mâ là soun là reinâ do mounde quand là pourten dô
ornemen de

chaz **VALÉRY, Bijoutier, 45, rue du Clocher**

Dî queu mogosin, diriâ que lou soulei li lusi lo re coumo
lou jour.

LO MYOUN A L'ERPOSICI

LO CATI (*en visan lo Myoun de travers*). — Co n'y fai re !
n'y o qu'an bien de lo chanço de se parmenâ tant que lous
aut'reis se crèben au trabai !...

LO NARDI (*en se sucran las bouchas*). — Vous aveis bien
rasou, Cat... Si soutlamen is disian co qu'is an vu de brave
uno vè tournai !...

LO MYOUN (*que counei que qu'eis per ello*). — Ah ! mas
douas garças... vôttras seis jalousas coumo i'ai na a Paris...
Per moun armo ! io eirio si countento de tournâ, coumo io
erio de parti... lu Boun Dî io so bê !

LO CATI. — Vous ne rencuras pas l'argent dau voyage,
Myoun ?

LO MYOUN. — Co n'eis pas mè que payavo, Cat... Mous
nebous me prenguèrent à Augignac et me tournèrent jurquanto
Nountroun... Aprei, chabei de ribâ à ped.

LO NARDI. — Mâ l'y-o bê l'autobus, m'eivi ?

LO MYOUN. — Oui, mâ io n'en vio moun aise de mè fâ
bradosâ din queu chami de far, mai din las tomobilas... et
surtout qu'is ne fan pas menâ per rè ! Co coto din lous treis
francs per veni de Nountroun !

LO CATI. — Is disen qu'à Paris l'y-o un chami de far
que passo sous terro...

LO MYOUN. — M'en parlez pas, Cat ! Vous seis segur
que ne faut pas mettre bien de tems per y mountâ... aut'reis
las portas se barren tout d'un cop, coumo per lo vartu
dau Sen-Arprit ! mai co traporio lous degts si un ne fasio pas
tenci !...

LO CATI. — Et per davalâ !

LO MYOUN. — Faut fâ vite !... quis parisien fujen coumo
daus pousseda !...

LO CATI. — Lu nôtre dit que l'un pod fâ lu tour de
Paris dies cops per lu même prix, dîn queu métro...

LO MYOUN. — Oui, beleu ! mâ un ne veû rè de brave
tant que qu'eis sous terro !...

LO NARDI. — Avez-vous vu bien de lo gent ?

Dins notre pais un minjo bien, mai un beu bien. Mâ per io
troubâ meilleur fau minja dins de las chiciâ de porceleno de
Limogei.

Las pus bravas sount be chaz

P. PASTAUD, Musée des Porcelaines, 14 à 18, rue Jules-Noriac

Naz veire soun **MUSÉE**, v'aut'reis li troubarez tout ce que
nio de brave en fe de porceleno et v'aut'reis chôsirez a votre
goût.

LO MYOUN. — M'en parlei pas, Nardi. L'y-en o cent
cops maj qu'a Nountrou, per lo feiro de las boursadas... Is se
pigougnen per passâ tout coumo daus sauvageis, sei soulamen
dire bounjour... Ne sâbe pas coumo fan quellas tomobilas
per ne pas mai se poutounâ ! Q'eis tout parier las furmis au
furmijier...

LO CATI. — Co l'y ei plasen, Myoun ?

LO MYOUN. — M'en parlei pas, Cat... Ne sâbe pas
quante lo gent trabaillen... Un lous veû toujours billa en
dimen : faut creure que qu'eis tous lous jours ballado à Paris...

LO NARDI. — Avez-vous vu quello si grando Tour ?...

LO MYOUN. — Abè, Nardi... Cresio veire no Tour coumo
quello de Piégut... Eh be, l'o n'eis pas dôtou entaû : qu'eis
narpêco de grand cluchier mouta sur quatre pautas ! bâti tout
en clairoirs ! Chei co plo que lo gent ne duven pas l'y être
bien à l'assala, s'is van à lo messô quante co fai meichant
temps !...

Félicie BROUILLET, *l'Orelho de Lèbre*.

Co fai toujours plosei

Tous lous jours, n'an de las letras de coumplimens de
notreis abounâs : co n'eis pas poussible de las imprima toutes,
n'en vei qui caqu'unas mâ nous lous remercien bien tous de
ce qui nous disen.

Moussur l'Administratour,

Ercuzâ-me chôplâ de moun oblu, voire pilit popier m'o tira
lou « vezou », quelo malôdio que fai oblida de poyâ sous dettei
— salo malôdio bien racinado per lou tem que court.

Veiqui mo peiço de cent sos, mai denguero quelo que m'o
balia no vesino qu'avio fa coumo me, lo paubro bouno fennu.

Vous veiqui doun die francs en dau timbrei de treize sos
(qu'eis tout a fe eisa per fâ die francs justei). Si quo dépasso, vous
chatarei un petarabo au pilit ; mâ, per qu'eu prix, o ne pourro
mâ n'en vei un de favas.

Io vous presente mous homagei, coumo is disen dins lou
grand mounde a la gentas pepus.

UN ABOUNA DE SEN-MARSAU.



Peichadours ! Veiqui lo sasou ente
fai boun se divertî au bord daus ris.

N'oblidez de nâ fâ un tour chaz **CO-**
LOX ente v'aut'reis troubarez tout ce
que faut per rempli votro benato de
braveis peissous.

COLOX, rue Adrien-Dubouché.

Pour vous, Mesdames, poissons rouges,
aquariums, bibelots.

Tu seis fier coumo un petorabo Jantissou !
 Tu preneis tous habis de noço per nà à lo feiro ?
 Tu te troumpas moun paubre Lionard... qu'ei daus habits
 de tous lous jours

Chaz DONY

en d'un viro mo un faï un moussur d'un touerau coumo
 me.

A. DONY

VETEMENTS POUR HOMMES, DAMES, ENFANTS

2, 4, 6, rue des Halles, 2, 4, 6, Limoges

Maison la plus ancienne qui ne doit son succès qu'à sa fidèle
 clientèle. — Téléphone 42-84.

Un viei proverbe dit qu'a no
 bravo teito tout va bien. Qu'ei
 beleu be vrai. Mâs lous chopeus
 de chaz LEBUR fan mier que
 co : metter lous sur no vorro
 teito, lo parei bravo !

La Chapellerie
LEBUR
 et
LEBUR
MODES

Rue Adrien-Dubouché
 Les mieux assortis de la Région

Las fennas aimen plo las baguas, lous, couliers et tout ce que
 brillo, las se trouben pus fieras... mai nou aussi. Las troubaran
 tout ce que lour fo en l'adresso de que lo pito moutro.



Is disen que faut heure lo biero en eiti quand fai
 chaud. Bouei co faï per lo biéro coumo per l'amour
 qu'ei toujours lo sasou !

Bevez quelo de **Bertrand-Mapataud**
 qu'ei lo meilleur.

Les bières
BERTRAND-MAPATAUD
 Route de Nexon, Limoges — Tél. 34-16

Nio pas d'erreur qu'ei no fâ entendudo, per etre billa
 de boun goût et per toutes las sosous, nio mâ no mejou,
 qu'es chaz

HENRI ESDERS

Rue Adrien-Dubouché, à Limoges

O vend boun et boun marchâ et n'ien n'o per toutes
 las boursas.

NOUVEAUTÉS, DRAPERIES, TISSUS, etc...

LECOMTE-CHAULET

Place des Bancs, 19-21, Limoges

Un m'o di, l'autre jour, que quelo mejou tenio deipei
 cent-an. Beleu pâ tan. Mâ l'ei counegudo dî tou lou poi...
 e pu loin denguero.

Eimandi voullo veire lou potrou. Guei de lo peno a
 possâ per nâ li parlâ. Li vio do mounde, dô mounde, diria
 qui baillen tou per re. De vrai, per lou leinâgei, là nu-
 veutâ, lo sedo, degu ne po lî fâ coumo lî. I chaten dô
 moudeloû de besugnâ a boun pri e tournen vendre a piti
 benefice. Quei tou lou secre de lo mejou.

Nâ li no ve, voû li tournorei.

Chaz **SENAMAUD ET SŒUR**,
 un po troubâ dau porto monudo
 ente sauten las pessas, n'io
 aussi de qui pitis sacs brenous
 qu'alment tant la geuntas fillas
 de notre Lemouzi.

SENAMAUD & SŒUR
 26, Rue Montmailler :: LIMOGES

Drolleis, per essei billas a lo
 modo et pas trop char, nâ
 troubâ :

Jean BOISSOU, Tailleur
 7, place des Jacobins, 7
 et presentâs v'autreis de lo part
 dau « Galetou ». V'autreis sirez
 bien recaubus.

Deipei que notro chambro ei tapissado en dau papier **Sanitex**,
 notro fenco qu'ei pertant si dermillouso se reveillo en chantant
 et n'oblido jamais de m'embrassa. Queû papier Sanitex,
 ple d'oseufs et de flours, ecliarsî lo chambro. O semblo toujours
 niô, permour qu'un po lou lavâ en dau sablou saus tou bimâ.

Courez n'en chatâ chaz **GRANY**, lou droguiste de lo place
 daus Carmeis. Votro fenco se reveilloro pus dabouro et faro
 de meilleur trabaî !

Is disen que tout ei char. Co n'ai gro vrai. V'autreis ver
 rez qu'un po veî no bravo garnituro de chambro per pau
 d'argent, si v'couteis âs lo bouno edeio de nâ fâ no visito à

L'Ameublement Général
 UNION DES FABRICANTS
 Limoges, Place de la Motte, Limoges

Tout ce qui concerne
L'AMEUBLEMENT

Tous genres

Tous prix